

M110: Daz himelrîche

- 1,1 Michil bif duherro got unde lobelih harte.
 1,2 michil ist [din] chraft uf dere himilifken warte.
 1,3 din rîche ist gelegen hohe obe allen rîchen.
 1,4 *dinem* gualte mach niemen enphliehen noh entwichen.⁹
 1,5 def ne darfhalt niemen *wænen* noh sinnen.⁹
 1,6 daz dir *iemen* ienner hine mege entr[i]nnen.
 1,7 dinere eren. *dines* wihstuomes ist niht zale.
 1,8 uon oberist def himilif in daz abgrunte zetale.⁹
 1,9 uon osteret in westert. uone mere *zemere*.
 1,10 lobent dih dere engile iouh dere mennifken here.⁹
 1,11 allenthalben def umberingiffint die dih erent.
 1,12 fint. die iz ire chint ouh gerne guotliche lerent.⁹
 1,13 alle dine hantgetæte. alle dine gescheftē.
 1,14 fint umbeuangen mit dinere magenchrefte.⁹
 1,15 mit dinere zefwen ellenthaften tugende
 1,16 fint beschirmit. fint gefirmit alter unde iugende.⁹
 1,17 fint elliu *din*[ch] bewaret. fint gliche gescharet
 1,18 daz ire neheiniz daz *andere* uone geschihte nedaret[.⁹]
 1,19 nihwan also du uber *ieglichiz* uerhenges.
 1,20 du daz [cit] also du wil churces und[e] le[n]ges.⁹
 1,21 du haft in gebruche *diner*[e] gualtigen hente.
 1,22 allere *di*[nge] anegenge iouh den ente[.⁹]
 1,23 *ou*[h] fint zeware unuerhole[n] ind[i]nere gesihte.
 1,24 allere *brusten* [g]lufte. allere hercen *ur*[gihte][.]
 1,25 uone diu heizzif du *in*[chrie]chifken alfa & w
 1,26 [fo] [iz] [unf] [hat] [chunt] ge[t]an iohannif reuelatio.⁹
 1,27 def heiligen. def tiurlichen euangeliste.
 1,28 *dines* funterlichen trutes *dñe ihu xpe*.⁹
 1,29 wellent iz ouh walhe unde chrieche gno te fuochen.
 1,30 si uindent iz gescriben inhebreifken buochen.⁹
 1,31 daz du unzuiuilliche alles werch[h]es dinif.
 1,32 eine bif initium undeeruollenter finif.⁹
- 2,1 Selbe ne haft *du* anegenge noh uerwesenten ente.
 2,2 dannen ne magen dih die stete noh die *wente*.⁹
 2,3 deheine halben umbegeben noh umbescriben.
 2,4 uerrer noh naher. uz oder in getriben.⁹
 2,5 dih minnent unde erent. furhtent unde flegent driu rîche.

2,6 dere du waltet. unde gehalten. rihtet iouh phlihtet ungliche.
 2,7 dei du cehet unde antreitet. enges unde breites. also du wil.
 2,8 hohest unde nideret. gebiutes ire sin luzcel oder uil.
 2,9 meret oder minneret si nah dinem willen.
 2,10 ane diu mach si niemen gefuiften noh gestillen.
 2,11 niemen anderre chan si gerihten noh gecheren.
 2,12 gezuhtigen. des libes oder dere sele reht geleren. daz eriste.
 2,13 daz heriste ist daz firmamentum.
 2,14 daz hat iemmer ane cehuote milia centum.
 2,15 dar ubere uile manich tufent dere engile.
 2,16 wider den iz eruechten nemagen die uber uengile.
 2,17 daz hat din wihstuom so geuestenet uon deme aneenge.
 2,18 deiz stete hat dere ewicheite in dere tage lenge.
 2,19 geliffen noh gewichen. noh geuallen nemach.
 2,20 sit diuerde uone dinem gebote dar unter gelach.
 2,21 da wir uff inunguif totliche leben.
 2,22 unce wir den geist an dere hine uerte widere geben.
 2,23 so uerente wir dizce leben untotlichen.
 2,24 ob iz dir allererist hie beginnit wolelichen.
 2,25 uone diu heizzet daz niderre terra morientium.
 2,26 daz oberere dar ingegen terra uiuentium.
 2,27 da bat der herro dauid daz sin teil muose sin.
 2,28 dare saffe ih bi dinen gnadun ouh gerne daz min.
 2,29 wande da niemen erwirdit. [ce]get. noh erstirbit.
 2,30 hie uerbiderbet sih der lib unce er gare uerderbit.
 2,31 des geschihit weiz ih wole alanch da niht.
 2,32 da ewicliche schinit daz unceganliche

3,1 lieht. Da uff ist o wi daz wunnefame himilriche.
 3,2 deme sint dei anderen zuei dere eren uile ungliche.
 3,3 dei ih da uore mit dere rede geruoret han.
 3,4 daz si ouh dir mit rehte sin unter tan.
 3,5 dannen ih noh gnuoch sagen sol obegot wil.
 3,6 wande diu sele uorderet so getan spil.
 3,7 unde ire daz uor allen dingen ist fuozze.
 3,8 daz si mit ire gote so unde fuf lantrehten muozze.
 3,9 dere eren ist iz unf iouh des wesenues uerre obe.
 3,10 da diu gedichte erheuent mit sange iouh mit lobe.
 3,11 dine engile here canore iubilo ane unter laz.
 3,12 da ist der bezzifte der fuozzifte waz.
 3,13 da diu salige burch tageliches gecimberet wirt.
 3,14 da du selbe inne bist chunich unde wirt.
 3,15 dar ine gent uon uier halben zuelf burgetor.
 3,16 da stet inne diu schone phalence hohe in bor.
 3,17 da umbe in glicher antreite zuelf turne.
 3,18 die sint erfullet mit lobefanges scalle diurno.
 3,19 mit den edelen steinen sint si wole gecinnit.
 3,20 in ebener mazze. du hast grozze geminnit.

- 3,21 den du zen ewen dar uf haft wesen geschaffet.
 3,22 si ne ruochent waz der uiant uzzeralbe gechlaffet.
 3,23 innerhalbe habent si sicherheite grozze·
 3,24 si ne erchoment uone finem itelen dozze.
 3,25 ob er ouh dare getorste oder mohte genæhen.
 3,26 ih gloube wole daz si in aue uallen fæhen.
 3,27 die in e wilen fæhen unfamfte benichen.
 3,28 also die donerstrale die me sihit gahef uerblichen.
 3,29 wande die selben habent die burch *noh in* ire huote.
 3,30 also si sie do behabeten mit statigem muote.
 3,31 den si heten unde habent zuo ire herren liebe·
 3,32 si ne lazzent dar naher geluogen die naht diebe.
- 4,1 Diu naht dirre werlte scætewet dar in alanch niht.
 4,2 ihtmere neschinet da def werltlichen tages lieht.
 4,3 got selbe erliuhtet die burch iouh den sal dar inne.
 4,4 si nebedarf liehtes. def funnen noh dere maninne.
 4,5 dere sternnen hat si rat iouh anderre liehtuazze.
 4,6 uon reinem golde glenstet ein ieglih ire gazze.
 4,7 die mure sint al umbe mit golde gewieret.
 4,8 sint mit aller slaht uare gimmen wole gecieret.
 4,9 des sales estrih ist mit uehen steinen gestrowet.
 4,10 da haf du herro die burgare wole mit gefrowet.
 4,11 da zuo nege bristet glases noh saphirif.
 4,12 u[o]n den saligen wirt da gesehe[n] diu schone irif.
 4,13 in dere witen umbe uerte des hohstuoles·
 4,14 ceficherheite hinnen mere def uiantlichen wuoles.
 4,15 den der tiuvel unter den engilen wilen begie·
 4,16 do er hie beuore ingegen dir cewiderbruht^e geuie.
 4,17 [d]az wir unter deme der uf deme stuole siz cit·
 4,18 uone des uorhten der wuotrih angiftliche suiz cet.
 4,19 alles unfrides mere fuln guisliche sicher sin·
 4,20 daz dar ane ist gotes gnaden ouh worden schin.
 4,21 daz er an fineme gerihte phleget nehein ere miete·
 4,22 der in *iseninere* gerte rihtet liute unde diete.
 4,23 unde brichet si cefamene daz ire got ergaz·
 4,24 die den unfride machent. also eines hauen æres uaz.
 4,25 dannen ist unf *ouh* irif in chriechisken *zun* gen.
 4,26 diche uon den alten buohmeistren uore gefungen.
 4,27 deiz si geheizzen name des re gen bogen·
 4,28 den *me ofte* si hit so den himil habent bezogen. dei uinsten tunchelen.
 4,29 iouh dei dichen regen wolchen.
 4,30 daz alliche niht gewizzenlih ist den smah uolchen.
 4,31 die chunft lazze wir befunder den dinen wole geerten·
 4,32 in dinere ê uernunftliche den allere beste gelerten.
- 5,1 Ih negetar nah deme geiste erbalden me baz.
 5,2 cerluogenne sine funtergen ge bin ih leider uile laz.

- 5,3 fumich unde feine geistlichiu dinch erfuoehen
 5,4 iouh dere ih guiffiz urchunde uinde an den buochen.⁷
 5,5 so ih furhte daz mih gahef cedere unwarheite.
 5,6 min unuorbefehener fin un guærliche uerleite.⁷
 5,7 unde so ih wæne daz ih zuo dere warheite done.
 5,8 din getougenez urteile getribet mih der uone.⁷
 5,9 daz ih uerliefte die arbeite minere anedæhte.
 5,10 da ih gerne minen antbei[z] er fure dih bræhte·
 5,11 doh fage ih daz mih geleret hat min magezo ge.
 5,12 uon gehilwe unde heitere wirt der regen boge.
 5,13 uone def funnen wirmen iouh dere wolchene fihute.⁷
 5,14 also def fiuref glanst durh daz wazzer liuhte.
 5,15 daz dritte dar unter ist def himilef uarwe gluche.
 5,16 ih wæne in diu erde an ietwederem orte zuo sih luche.⁷
 5,17 da geftet dere boge uon uier furftlichen elementif·
 5,18 dei unf temperent die atem zuht anime calentif.⁷
 5,19 iouh in alle wif die stæte behabent def gefuntet.
 5,20 nah dinere gefez cede in die tieffe allere dinge gruntet.⁷
 5,21 dar wir gelangen
 5,22 mit fiumf finnen def libef nemagen· mit fiumuen dere fele waz mage wir
 dannen fagen.⁷
 5,23 nih wan daz du herro got antreitære dere dinge.
 5,24 ein herlih wunter bist fuie halt unf dar anegelinget.⁷
 5,25 du machet unf daz dinch ce wuntere unde cewunnen.
 5,26 ob wir fin unde rede nehieten die wir niemmer guunnen.⁷
 5,27 nu haf du unf hohe unde tieffe def finnes gegeben.
 5,28 tuo dar zuo daz wir inlenge unde inbreite zieren daz leben.⁷
 5,29 nah dinen hulden nah unferen notdurten mit guote.
 5,30 so wirt unf geringet unde geliuteret uone dir daz gemuote.
 5,31 daz wir geden chen wef unfih der regenboge manet.
 5,32 so fin diu gehuct uon anderen fachen erwanet.
- 6,1 Wazzer unde fiur fint schinich an dem regen bogen.
 6,2 dei ih bil dicliche in die redehan gezogen.⁷
 6,3 durhdaz si bediu fint helflih unde heilsame.
 6,4 ire ietwederez ist ouh egeflih unde freiffame.⁷
 6,5 so si uon dere liute funten bermæzzich fint·
 6,6 unde si dar zuo tribent daz weter unde der heifter wint.⁷
 6,7 wazzer unde fiur fint zuei starchiu gotet gerihte.
 6,8 dei dere werlte allere fint offen cegefihte.⁷
 6,9 mit deme wazzere ward diu werlt hie beuore gereinet.
 6,10 mit deme fiure here nah an den die sih habent uermeinet.⁷
 6,11 die do gotet huld[e] heten. gnafen in dere archa.
 6,12 die denne in finen gnaden fint gefigent starche.⁷
 6,13 do beftuonten nihwan aht mennifcken in dere fin fluote.
 6,14 die rehte in aht sælden gele=bent gnefent in dere gluote.⁷
 6,15 do ward diu erde uon dere liute unrechte gewafken·
 6,16 denne wirdit si uber al mit rehte becheret inafken.⁷

6,17 daz ergangene wizze wir. def chumftigen gewarte wir.
 6,18 deiz gnædiclih uber unfih werde def dige wir cedir.ʒ
 6,19 def lougef uarwe die wir anç dem bogen fehen.
 6,20 warnet unfih chriftene wir dere glouben ueriehen.ʒ
 6,21 daz wir cedem iungiften urteile haben forgen.
 6,22 deiz unf uon unguiffere ficherheite iht fi uerborgen.ʒ
 6,23 daz wir ienez mere nefurhten tuot er unf ouh chunt.
 6,24 dannen heizzet irin ouh fride der chriechiſke munt.ʒ
 6,25 wan de er dinen fride uore zeichinit den liuten.
 6,26 daz wir chunnen geden chen weiz fule bediuten.ʒ
 6,27 daz in dine holden umbe dinen ſtuol ſehent.
 6,28 da dir einem got dine barmherce uerichent.ʒ
 6,29 def wir ſumeliche noh nih nemagen wizzen.
 6,30 wir unfih minner deme rehten haben geflizzen.ʒ
 6,31 in dinen wunteren herro mit geiſtlich ere trifte.
 6,32 ſo iz die lerære habent in dere heiligen ſcrite.

7,1 Noh ſa die wizzen iz cedurhſlahte alanch niht.
 7,2 unze unf ceiungifte erſchinet daz ewige lieht.ʒ
 7,3 daz den ſchate uerwifet dere nebel uinſteren naht.
 7,4 da unfih inne der alte uiant ie anefacht.ʒ
 7,5 unde die tunchelen blintheit dirre werlte ceſtoret.
 7,6 ſo diu iungifte trumbe ſchelle wirdit gehoret.ʒ
 7,7 def ſibenten erzengileſ mit dere magin chrefte.
 7,8 daz ſi erwechet alle redeliche geſcheſte.ʒ
 7,9 die def liblichen todes unce dare entſlaſſen ſint.
 7,10 unde eroffenet beſuntere ieglichiu gotes chint.ʒ
 7,11 da beginnet me allererift fehen uzzen un de innen.
 7,12 wie zierliche dei gadem elliu den ceminnen.ʒ
 7,13 mit deme reinen golde ſint gemuſet unde gefmelcet.
 7,14 die hie nehein not ſuæriu noh gæhiu uerhelcet.ʒ
 7,15 uone guotes willen rehtere werche uæſtere anedæhten.
 7,16 ſuie gnote. ſuie harte ſie die æhtære aneuæhten.ʒ
 7,17 ſuie fere. ſi ie mere gemuot diche wæren.
 7,18 uone den uerlogenen. den ungezogenen werltminnæren.ʒ
 7,19 die ſih ſelben gote ire ſchephære freidigten.
 7,20 unde ſie mit worten unde werchen leidigten.ʒ
 7,21 die den widermuoten allen manliche geſtent.
 7,22 die dere notdurfticlichen gedulte niht abenægent.ʒ
 7,23 noh weiche entwichent dere werltlichen leidwente.
 7,24 o wi wie ſchone die inner halbe dere murwente.ʒ
 7,25 dere ſaligen heimote barm in ſih enphahet.
 7,26 wie liebliche ſih got in. unde ſie ime næhet.ʒ
 7,27 welhe ſemfte mit dere meißten zumfte da guinnent.
 7,28 die hie durh got die uiante tragent unde minnent.ʒ
 7,29 die in ime liebent die friunte ane laſteref meile.
 7,30 die bechoment ime ſelben da beſuntere in erbeſ teile.ʒ
 7,31 wande du herro die heren martirare uor allen minniſ.

- 7,32 fo du noh got in allen offene richen beginnif·
- 8,1 Uf deri burchmuren ift allezane dere engile huote.
 8,2 die unf bi dinen gnaden fint greht cealleme guote.⁹
 8,3 da du mit befezcet haf alleumbe dere cinnen cile.
 8,4 die negefuigent ouh dinef lobef neheine wile.⁹
 8,5 dine ere. din lob fingent fi ce allen ftunden·
 8,6 uone grozzeme wihftuome haf du iz allez erfunden.⁹
 8,7 daz diu burch guorht ift uon lebentigen fteinen.
 8,8 da fih die muoden an die linebergen fuln leinen.⁹
 8,9 die gahel ie mitent uon deme ellente entrinnent.
 8,10 ih weiz fi gotef gnaden da femfte un de ruowe guinnent.⁹
 8,11 da die uernozzenen fuln in dere ewicheite widerwohfen.
 8,12 da ne ftozzent fie die egefliche gehurnte helle ohfen.⁹
 8,13 die bechlibent werdent da milticliche gelabet·
 8,14 die hungerigen die durftigen werdent da gehabet.⁹
 8,15 in dineme huf ftætliche ce uollere wirtfchefte.
 8,16 herro chrift chunich mit din felbes wertfchefte.⁹
 8,17 wande du in da guotliche felbe wil dienen.
 8,18 da neuerfmahet herro dir lob den anderen niemen.⁹
 8,19 da fint die herren iouh die armen alle gliche.
 8,20 da teilit unfere ieglichem fine gebe got der riche.⁹
 8,21 also er unde er die mazze an unfere guirhten weiz.
 8,22 da newirdit uerbiderbet daz fcaf noh diu geiz.⁹
 8,23 cedeme dienfte ne wirdit erlagen ftier noh boch.
 8,24 an daz fiur nelegetme neweder bloh noh ftoch.⁹
 8,25 erwirmen nebedarfme ire dare gezogen oder gefuoret.
 8,26 hizce noh froft noh dehein ungemah fie neruoret.⁹
 8,27 die mit guoten werchen unde willen dare gelentent.
 8,28 uone diu ift iz in heillih die iht fure gefentent.⁹
 8,29 fi uindent iz an den feleden allez guif unde greht.
 8,30 da ift miete unde lon. gnade unde recht.⁹
 8,31 wir ueriehen herro da fi geiftlih leben·
 8,32 man nebedarf da weuel noh warf fpinnen noh weben.⁹
- 9,1 Ire gewæte die da fint ift daz ewige licht.
 9,2 uone diu nebedurften fi dere badeguante alanch niht.⁹
 9,3 fi neuorderent ouh uælen niht unde mantele.
 9,4 fumeref noh winterf zeweterlichem wantele.⁹
 9,5 fi nelegent ze næhfte dere lih hemide noh bruoche.
 9,6 umbe churfenne unde bellice habent fi neheine ruoche.⁹
 9,7 cenihthe wellent fi fo oder fuf uarwe roche.
 9,8 dei bein ne bedechentin hofen noh die linfoche.⁹
 9,9 wiz noh fuarz male fcuohe beduingent in die fuozze.
 9,10 ih wæne ie dere durften deheiniu geruozze.⁹
 9,11 uone diu nefpulgent fi da neweder fchephen noh naen.⁹
 9,12 durh ezzen nebedarf me daz brot bachten noh baen.⁹
 9,13 durh zuomuofe fleifc unde uifke fieden noh fulcen.

- 9,14 durh trinchēn haberen noh gerſten cēbiere mulcē.⁹
 9,15 ſi negerent durh den durft iemmer metef noh wineſ·
 9,16 oder cewollibe morateſ noh trincheneſ deheineſ.⁹
 9,17 eiere unde chāſe netuont ſi da gefoten noh gebraten·
 9,18 got du māht in ane dei elliu ſuſ wole geraten.⁹
 9,19 ſine tuont einiz noh daz anderē uf deme harſte geroſtet·
 9,20 allere ire notdurfte werdent ſi mit deme heile getroſtet.⁹
 9,21 daz mit in niemen mere ringit noh ne fihtit.
 9,22 ane ſtrælære unde burſten wirdit in daz har geſlihtit.⁹
 9,23 ſi ruowent da ane uederbete· bolſtære unde chuſſe·
 9,24 nehein wert hat der chozce da alſo uile ſo diu zuſſe.⁹
 9,25 undurft iſt in lihlachen iouh dere badelachen.
 9,26 ſi ſint iſ alleſ ueruangen mit geiſtlichen ſachen.⁹
 9,27 mit geiſtlichen dingen iſt iz in allez uerwandelet.
 9,28 fuer der andereſ iht ane wānet der hat uerhandelet.⁹
 9,29 die ſele nephlegent cebade ſeiſſen noh louge. ſie
 9,30 ne zierent ouh uingerlin· ringe noh bouge.⁹
 9,31 nuſkelin uone goldeſ gefmelce noh die half ſnuore.
 9,32 nebiderbent ſi da deweder ce liebe oder cegefuore.⁹
- 10,1 Nihne brennet der funne die da ſint uber tach·
 10,2 wande er mit glanſteſ hizce dar gelangen nemach.⁹
 10,3 noh diu mane ſuhtet dar ingegen uber naht.
 10,4 da ne iſt uon luſteſ geduere neheinere ſlaht unmacht.⁹
 10,5 da ne iſt uone miſſehelle nehein uiantlih zuiwurft.
 10,6 dannen iſt der ouh neheineſ ſuonæref durft.⁹
 10,7 niemen wil noh nemach den fride da gebrechen.
 10,8 waz bedorften ſi denne uogeteſ oder uorſprechen.⁹
 10,9 ire weſen iſt gezechet in michelere gliherte.
 10,10 in ſemfte unde in ſuiſte iſt allez ire geuerte.⁹
 10,11 ſi ne arbeitent mit fuozzen noh mit hanten.
 10,12 ſi ne erlenchent ſih nienner an den anewanten.⁹
 10,13 wege unde brucke ſint alle fleht un de ſicher gemachet.
 10,14 alleſ ungemacheſ habent ſih uercigen unde uerſachet.⁹
 10,15 alle die mit dir da zen ewen ſtætliche ſuln ſin·
 10,16 durh die got herro gnædich erbarme dih min.⁹
 10,17 unde gib mir daz ih ane dem iungiften merde.
 10,18 dinere gotelichen gnaden iht uerteilet werde.⁹
 10,19 noh ſo getanere eren diu den dinen da geſchihit.
 10,20 die daz ouge uore dem werltlichen molten hie nihneſihit.⁹
 10,21 die daz ore deſ totlichen libeſ nihne horet·
 10,22 diewile iz deſ werltlichen geludemef doz betoret.
 10,23 diu in deſ mennifken herce ab infimif nihne ſtiget.
 10,24 halt enne obene uon gnaden here nider figet.
 10,25 un de deſ mennifken broden ſin uf ce ſih ziuhet·
 10,26 unde machet daz er ſchiuhente uerfliuhet·
 10,27 elliu dei ſchedelichen oblectamenta carnif·
 10,28 al da nah ſo du herro in wercliche warnif·

- 10,29 mit def heiligen geistef troftlichere unctione.
 10,30 unde in in wertef gestungef salubri compunctione.
 10,31 daz er lieben beginnet elliu dei dere sele sint pfutura·
 10,32 also er si ce erifte hete. in dere unuerwerten natura·
- 11,1 Vmbe den stuol sint dei heren quatuor animalia.
 11,2 dei dine ere bridigent. din lob singent inter alia.⁹
 11,3 unde uore so uile si naher schowent dine getougene·
 11,4 wande si uorne unde hinten uolliu sint dere ougene.⁹
 11,5 dei in dinem lobe da und^e hie sint un[i]uersalia.
 11,6 dere wir uergezzen noh gefuigen fuln inter alia·
 11,7 unde uor anderen dei da cehimile gefehen sint.
 11,8 uon den saligen ougen dei gare erwenet sint.⁹
 11,9 in die hohe schowente uon def fleiskes gluften·
 11,10 dannen die irdisken allez ane sigent cefluften.⁹
 11,11 niht ceginne deheines frumen dere sele.
 11,12 den diu hilfe chomen solte celestif medele.⁹
 11,13 der helfliche trost def geistef uone deme stuole.
 11,14 der unſ bringet dere funten iouh def wices urchuole.⁹
 11,15 so dannen erhoret werdent stimme iouh donerbliche.
 11,16 die der uone uarent mit brinnenten liechten diche.⁹
 11,17 daz wir bi den gotes sihtigen wunteren cesamene lesen·
 11,18 in welhe wif die sele here nah fuln gnesen.⁹
 11,19 so wir ettwie gedenchen waz die stimme luten·
 11,20 waz die donerbliche. waz dei brinnenten lichtbediuten.⁹
 11,21 waz unſ in uier biliden dei uier animalia ceigen.
 11,22 daz wir unſih gotes chresten diemuoticliche neigen.⁹
 11,23 der so getaniu wunter tuot in himile unde in erde.
 11,24 daz ire unſer ieglih hie unde da uernunſtich werde.⁹
 11,25 ceheile unde ce gnaden in den himilisken choren.
 11,26 da wir die getougene alle gefehen unde gehoren.⁹
- 12,1 da fizcent uore dir in ire erhaften sezzelen.
 12,2 die gedihte wegent undehelfent unſ agezzelen.⁹
 12,3 die geerten uiginti quatuor seniores.
 12,4 die du allez ane so wir glouben erhoref.⁹
 12,5 gnædicliche umbe unſere ellenten note.
 12,6 daz unſih der alte widerwarte iht ertote.⁹
 12,7 [al]so wir iht getuon wider dinen hulden.
 12,8 oder [wir] [iht] uerſumen uon unſeren ſculden.⁹
 12,9 def wir uon chriſtenlichem rehte tuon ſolten.
 12,10 deiz unſ nah unſeren guirbten nihne werde uergolten.⁹
 12,11 e wir iz uertielgen mit riuwe unde buozze·
 12,12 daz wir [d]es uone dir guinnen willen unde muozze.⁹
 12,13 ſo dih dinere gnaden bitent die zuir zuelf herren.
 12,14 daz unſ gewerren nemege nahen noh uerren.⁹
 12,15 def uiantes lage in diſem wadligen ellente.
 12,16 daz er unſ mit unchuften die heimuart iht erwente.⁹

- 12,17 daz wir beschirmet sîn under dinere herfcheftē.
12,18 noh uon ime abegeleitē werden ire gnoz fcheftē.
12,19 die sî gerne here nah cege buren haben wellent.
12,20 unde dir dar umbe ire coronaf ceeren uerfellent.
12,21 unde bietent sîh dir diemuoticliche cefuozzen.
12,22 daz sî dih mit eren lobeliche gruozen.
12,23 umbe unfer ewigiz heil daz sî der mite weruent.
12,24 daz wir werden also sî[e] in dir spiritu feruent.
12,25 grehte ce dinemē dienste cedinere gehorfame.
12,26 uber die so diche geladet ist din heiliger name.
12,27 daz du unsîh in deme zuiuile nihne uerlazzest.
12,28 unze du die bechorunge fuiftente gemazzest.
12,29 da wir in difem ellente mit birn besuæret.
12,30 unde uerdruches der unfer uiantliche uaret.
12,31 den leidigen fatanat mit sî nen gelouften.
12,32 beschirmes aue durh ire gebet unsîh dine getouften;